

AUGLÝSING

81

29. apríl

um blöndun á íslenzku smjöri í smjörliki.

Samkvæmt reglum frá 26. september 1935, um blöndun á íslenzku smjöri í smjörliki, skal frá þessum degi allt smjörliki, sem framleitt er hér á landi, innihalda 10% af íslenzku smjöri, svo og erlent smjörliki, sem flutt kann að verða til landsins.

Jafnframt fellur úr gildi auglýsing frá 25. janúar 1940 um blöndun smjörs í smjörliki.

Atvinnu- og samgöngumálaráðuneytið, 29. apríl 1940.

Hermann Jónasson.

Páll Pálmason.

BREYTINGAR Á LYFJASKRÁ

82

29. apríl

Frá 1. maí 1940 hækka greiðslur fyrir afhendingu og tilbúning lyfja um 20% frá því, sem tilgreint er í lyfjaskrá I frá 15. desember 1936.

Í heilbrigðismálaráðuneytinu, 29. apríl 1940.

Stefán Jóh. Stefánsson.

Gústaf A. Jónasson.

REGLUGERÐ

83

6. maí

um breyting á reglugerð um sölu og úthlutun á nokkrum matvörutegundum.

Samkvæmt heimild í lögum nr. 37 12. júní 1939, er hér með sett eftirfarandi reglugerð:

1. gr.

Við 1. gr. bætist ný málsgrein, svo hljóðandi:

Óheimilt er verzlunum og brauðgerðarhúsum að taka við öðrum eða fleiri matvælaseðlum eða reitum af þeim, en þær afgreiða samtímis vörur út á.

2. gr.

Við 7. gr. bætast 2 nýjar málsgreinar, svo hljóðandi:

Skömmtunarskrifstofu ríkisins er heimilt, í samráði við ríkisstjórnina, að ákveða úthlutun á matvælaseðlum til lengri tíma en eins mánaðar í einu, og getur skrifstofan þá gert þær formbreytingar á seðlunum, sem nauðsynlegar eru.

Ennfremur er skömmtunarskrifstofunni heimilt, ef hún telur þess þörf, að leyfa hreppsnefndum að veita þeim sveitaheimilum, sem um ræðir í 1. málsg. þessarar greinar, ávísanir á skömmtunarvörur yfir sumarmánuðina með sama hætti og slíkt er heimilað að vetrinum.

83

6. maí

8. gr. orðist svo:

Úthlutun til hvers manns skal mánaðarlega vera sem hér segir: 250 g brennt eða 300 g óbrennt kaffi, 1700 g sykur og 5500 g kornvörur, en til þeirra teljast þær kornvörur, sem samkvæmt 1. gr. er óheimilt að selja án matvælaeðla.

Hveitibrauð og rúgbrauð skal selja gegn afhendingu kornvöruseðla, þannig að fyrir 250 g af hveitibrauði komi 200 g af kornvörum og fyrir 750 g af rúgbrauði komi 500 g af kornvörum.

Matvælaeðlunum skal skipt í reiti eftir því, sem skömmunarskrifstofa ríkisins telur bezt henta. Má klippa seðlana í sundur, og skal reitunum skilað jafn-óðum og afhending vöru fer fram, en stofninn skal geyma þar til næst er úthlutað matvælaeðlum. Skal stofninum þá framvísað og verða nýir matvælaeðlar aðeins afhentir gegn eldri stofni, sem áritaður sé með fullu nafni og heimili eiganda.

4. gr.

9. gr. reglugerðarinnar falli niður, og breytist greinatalan samkvæmt því.

5. gr.

Í stað orðanna „750 g af rúgbrauði“ í 2. málsgrein 10. gr., sem verður 9. gr., komi: 500 g kornvörur.

6. gr.

Aftan við orðin „mánuður sá“ í 1. málsg. 11. gr. komi: mánuðir þeir.

7. gr.

Reglugerð þessi öðlast þegar gildi.

Í ríkisstjórn Íslands, 6. maí 1940.

Eysteinn Jónsson.

Ólafur Thors.

Jakob Möller.

Hermann Jónasson.

Stefán Jóh. Stefánsson.

84

18. maí

Staðfesting ráðuneytis Íslands á skipulagsskrá fyrir Minningarsjóð systkinanna Guðrúnar Þorvaldsdóttur og Alberts Þorvaldssonar, útgefin á venjulegan hátt af dóms- og kirkjumálaráðherra 18. maí 1940.

Skipulagsskráin er þannig:

SKIPULAGSSKRÁ

fyrir Minningarsjóð systkinanna Guðrúnar Þorvaldsdóttur og
Alberts Þorvaldssonar.

1. gr.

Sjóðurinn heitir „Minningarsjóður systkinanna Guðrúnar Þorvaldsdóttur og Alberts Þorvaldssonar frá Ólafsfirði“.

2. gr.

Sjóðurinn er stofnaður af hjónunum Elínu Þorsteinsdóttur og Þorvaldi Friðfinnssyni, til minningar um látin börn þeirra, einkadóttur, Guðrúnu, sem andaðist